



# Wits kan toernooi wen

**Jeanelle Greyling**

Die Universiteit van Johannesburg (UJ) en die Universiteit van die Witwatersrand (Wits) het die afgelope naweek in die heel eerste Varsity-basketbaltoernooi teen mekaar te staan gekom.

Wits is tans eerste op die punteleer nadat hy UJ Sondag met 73-49 getroef het.

“Ons was selfversekerd, want ons het 'n baie sterk span, maar dis altyd lekker om eerste te wees,” sê Tshiamo Ngakane, Wits-afrigter.

UJ is darem nie teleurgestel nie, aangesien hy sy doelwit behaal het om in dié rondomtaliefase onder die voorste vier te eindig, lui 'n mediaverklaring van Full Stop Communications.

UJ is tweede, die Vaal-Universiteit vir Tegnologie (VUT) is derde en Tuks vierde.

Die Universiteit van KwaZulu-Natal is tans vyfde, die Universiteit van Kaapstad sesde, die Tshwane-Universiteit vir Tegnologie sewende en die Nelson Mandela-Universiteit agtste.

Ngakane sê hy is veral bekommerd dat UJ die toernooi wen.

“UJ is altyd 'n groot vyand. Soos gewoonlik het hulle dié naweek weer 'n taai wedstryd verseker.”

Die toernooi eindig Sondag.

